

გადაწყვეტილება

N გ-21-11/505
09/09/2021

505-გ-21-1-4-202109091012



„შპს „ვიონი საქართველოს“ წილის 20%-ის შპს „ვოთერთრაილ ინდასტრიზის“ მიერ შექმენაზე თანხმობის მიცემის საკითხის განხილვის შესახებ“.

საქართველოს კომუნიკაციების ეროვნულ კომისიას (შემდგომში “კომისია“) 2021 წლის 1 სექტემბერს განცხადებით N616/21 მიმართა შპს „ვიონი საქართველო“ (ს/კ 204450584) (კომისიაში რეგისტრაციის Nშ-21-6/3928 01.09.2021), შპს „მირენ ინვესტის“ (პ/ნ 1718011, ბრიტანეთის ვირჯინიის კუნძულები) კუთვნილი კომპანიის წილის 20%-ის შპს „ვოთერთრაილ ინდასტრიზის“ (ს/კ 679880, ბრიტანეთის ვირჯინიის კუნძულები) მიერ შექმენაზე წინასწარი თანხმობის მიღების მოთხოვნით.

2021 წლის 1 სექტემბრის N616/21 განცხადებასთან ერთად განსახილველი დოკუმენტების სახით შპს „ვიონი საქართველო“ მიერ კომისიაში წარმოდგენილი იყო კომპანიის არარეზიდენტი პარტნიორების შპს „ვოთერთრაილ ინდასტრიზის“ და შპს „ინვესტიკო ალიანსეს“, ასევე მათი დამფუძნებელი კომპანიების „VEON Georgia Holdings B.V.“-ს, „VEON Holdings B.V.“-ს, „VEON Amsterdam B.V.“-სა და „VEON Ltd.“-ს ამონაწერები. კომპანიის მიერ დამატებითად 2021 წლის 7 სექტემბერს წარმოდგენილ იქნა კომპანიის წერილი N624/21 (კომისიაში რეგისტრაციის N-21-6/4024 07.09.2021) შპს „ვიონი საქართველო“ სამომავლო გეგმების შესახებ, ასევე 2021 წლის 8 სექტემბერს N634/21 წერილით (კომისიაში რეგისტრაციის Nშ-21-6/4036 08.09.2021) კომპანიის პარტნიორის შპს „მირენ ინვესტის“ ამონაწერი და შპს „ვოთერთრაილ ინდასტრიზის“ და შპს „ინვესტიკო ალიანსეს“ დამფუძნებელი კომპანიების „VEON Georgia Holdings B.V.“-ს, „VEON Holdings B.V.“-ს, „VEON Amsterdam B.V.“-სა და „VEON Ltd.“-ს ამონაწერების ნოტარიულად დამოწმებული თარგმანები ქართულ ენაზე.

2021 წლის 1 სექტემბერს კომისიაში შპს „ვიონი საქართველო“ წილის 20%-ის მფლობელისა და ამ წილის გასხვისების მსურველი პარტნიორის შპს „მირენ ინვესტის“ მიერ წარმოდგენილი იყო 2021 წლის 31 აგვისტოს განზრახვის წერილი (კომისიაში რეგისტრაციის Nშ-21-6/3934 01.09.2021) შპს „ვიონი საქართველო“ კაპიტალში წილის 20%-ის გასხვისებაზე თანხმობის შესახებ.

“ელექტრონული კომუნიკაციების შესახებ“ საქართველოს კანონის 26-ე მუხლის შესაბამისად, შერწყმის ან წილის, აქციების ან საოპერაციო აქტივის შექმნის განზრახვის შესახებ კომისიას უნდა ეცნობოს შერწყმის ან შექმნის განხორციელებამდე. შეტყობინების ვალდებულება ეკისრება ავტორიზებულ პირს, რომელიც მონაწილეობს შერწყმაში ან რომლის წილის, აქციების ან საოპერაციო აქტივის შექმნაც ხდება.

“ელექტრონული კომუნიკაციების შესახებ“ საქართველოს კანონის 27-ე მუხლის პირველი პუნქტის შესაბამისად, კომისია უფლებამოსილია შერწყმის ან შექმნის თაობაზე ავტორიზებული პირის სრულყოფილი შეტყობინების მიღებიდან 15 დღის ვადაში გასცეს თანხმობა შერწყმაზე ან შექმნაზე ან ბაზრის შესაბამის სეგმენტზე არსებულ კონკურენციაზე შესაძლო გავლენის მოხდენის დადგენის მიზნით მიიღოს გადაწყვეტილება შერწყმის ან შექმნის გამოკვლევის თაობაზე ადმინისტრაციული წარმოების დაწყების შესახებ.

შპს „ვიონი საქართველო“ 2010 წლის 12 თებერვლიდან წარმოადგენს ელექტრონული კომუნიკაციების სფეროში ავტორიზებულ პირს და მას ავტორიზაცია გავლილი აქვს ელექტრონული კომუნიკაციების მომსახურების შემდეგ სახეებზე:

A.F.1 ადგილობრივი დაშვების (სადენიანი) ქსელითა და/ან (სადენიანი) ქსელის ტერმინალური საშუალებებით უზრუნველყოფა

სპილენძის წყვილების ადგილობრივი (სააბონენტო) დაშვების ქსელის ფუნქციური რესურსებითა და სიმძლავრეებით უზრუნველყოფა.

ოპტიკურ-ბოჭკოვანი ადგილობრივი (სააბონენტო) დაშვების ქსელის ფუნქციური რესურსებითა და სიმძლავრეებით უზრუნველყოფა

კოაქსიალური (საკაბელო) ადგილობრივი (სააბონენტო) დაშვების ქსელის ფუნქციური რესურსებითა და სიმძლავრეებით უზრუნველყოფა

სპილენძის წყვილებით ადგილობრივი (სააბონენტო) დაშვების ქსელის ტერმინალური საშუალებების ფუნქციური რესურსებითა და სიმძლავრეებით უზრუნველყოფა

ოპტიკურ-ბოჭკოვანი ადგილობრივი (სააბონენტო) დაშვების ქსელის ტერმინალური საშუალებების ფუნქციური რესურსებითა და სიმძლავრეებით უზრუნველყოფა

კოაქსიალური (საკაბელო) ადგილობრივი (სააბონენტო) დაშვების ქსელის ტერმინალური საშუალებების ფუნქციური რესურსებითა და სიმძლავრეებით უზრუნველყოფა

A.F.7 ელექტრონული საკომუნიკაციო ქსელის ელემენტების გაფართოებული რესურსებით უზრუნველყოფა

ძირითადი საკომუნიკაციო ქსელების ურთიერთჩართვის გარდამქმნელი ტერმინალური აღჭურვილობის (IP TV, IP ტელეფონია) ფუნქციური რესურსებითა და სიმძლავრეებით უზრუნველყოფა

A.M.1 ფიჭური ორგანიზების ტიპის საკომუნიკაციო ქსელის შესაბამისი ელემენტებითა და საშუალებებით უზრუნველყოფა

GSM

LTE

B.F.1 ფიქსირებული საკომუნიკაციო სისტემის აბონენტების სატელეფონო ხმოვანი კავშირით მომსახურება

ტექსტური შეტყობინების მომსახურება

საქალაქთაშორისო სატელეფონო (ხმოვანი) კავშირით მომსახურება

საერთაშორისო სატელეფონო (ხმოვანი) კავშირით მომსახურება

ადგილობრივი სატელეფონო (ხმოვანი) კავშირით მომსახურება

B.F.2 ინტერნეტ მომსახურება

სხვა

B.F.3 მონაცემთა გადაცემა

მონაცემთა გადაცემა

შპს „ვიონი საქართველო“ ფლობს რადიოსიხშირული სპექტრით სარგებლობის №F5, №F30, №F39, №F59, №F97, №F101 და №F102 ლიცენზიებს.

კომისიის მიერ შპს “ვიონი საქართველოზე“ გაცემულია ნუმერაციის რესურსით სარგებლობის ნებართვები.

ავტორიზებული პირების ხელში საბაზრო ძალაუფლების მაღალი კონცენტრაციის თავიდან აცილებისა და შესაბამისად, ელექტრონული საკომუნიკაციო ქსელებითა და საშუალებებით უზრუნველყოფისა და ელექტრონული საკომუნიკაციო მომსახურების სფეროში კონკურენტუნარიანი გარემოს ჩამოყალიბების, შენარჩუნებისა და განვითარების მიზნით, აუცილებელია ბაზრის შესაბამის სემენტზე მოქმედ ავტორიზებულ პირთა ურთიერთდამოკიდებულების (აფილირებულობის) გამოვლენა და შესწავლა. კერძოდ, არიან თუ არა პირები ერთი საწარმოს დამფუძნებლები (მონაწილეები); ერთი პირი პირდაპირ ან არაპირდაპირ მონაწილეობს თუ არა მეორე პირის საწარმოში; ერთ პირს პირდაპირ ან არაპირდაპირ აკონტროლებს თუ არა მეორე პირი; პირები არიან თუ არა ფილიალი საწარმოები ან პირებს პირდაპირ ან არაპირდაპირ აკონტროლებს თუ არა მესამე პირი; პირები ერთად, პირდაპირ ან არაპირდაპირ აკონტროლებენ თუ არა მესამე პირს და ა.შ. რაც შეუძლებელია ბენეფიციარი მესაკუთრეების, ასევე, ბენეფიციარი მესაკუთრეების წილების/აქციების მოსალოდნელი ცვლილების შესახებ ინფორმაციის და შესაბამისი დოკუმენტაციის გარეშე.

შესაბამისად, კომპანიის ყველა ბენეფიციარ (მათ შორის ბოლო ბენეფიციარის) მესაკუთრეთა მფლობელობაში არსებული წილის/აქციების შეძენის განზრახვის შესახებ კომისიას უნდა ეცნობოს შეძენის განხორციელებამდე, წინააღმდეგ შემთხვევაში, „ელექტრონული კომუნიკაციების შესახებ“ საქართველოს კანონის 25-ე მუხლის ობიექტური მიზანი - ავტორიზებული პირის წილის/აქციების შეძენის რეგულირება რამდენიმე პირის ხელში საბაზრო ძალაუფლების მაღალი კონცენტრაციის თავიდან აცილების, ელექტრონული კომუნიკაციების სფეროში ეფექტიანი კონკურენციის ხელშემწყობი პირობების ჩამოყალიბებისა და კონკურენტუნარიანი გარემოს ჩამოყალიბების, შენარჩუნებისა და განვითარების მიზნით - ვერ იქნება მიღწეული.

მეწარმეთა და არასამეწარმეო იურიდიული პირების რეესტრიდან ამონაწერის (განაცხადის რეგისტრაციის ნომერი, მომზადების თარიღი: B21084320, 19/08/2021 13:50:44), შპს „ვიონი საქართველოს“ მიერ კომისიაში წარმოდგენილი მისი წილის მფლობელების

ამონაწერებისა (მათი ნოტარიულად დამოწმებული თარგმნილი ასლებიდან) და კომისიის ავტორიზებულ პირთა უწყებრივი რეესტრიდან ამონაწერის თანახმად:

შპს „ვიონი საქართველო“ პარტნიორები არიან:

კომპანიის წილის 51%-ის მფლობელი შპს „ვოთერთრაილ ინდასტრიზ“ (ს/კ 679880, ბრიტანეთის ვირჯინიის კუნძულების კანონმდებლობის შესაბამისად დაარსებული და მოქმედი კომპანია);

კომპანიის წილის 29%-ის მფლობელი შპს „ინვესტიკო ალიანსე“ (ს/კ 1550759, ბრიტანეთის ვირჯინიის კუნძულების კანონმდებლობის შესაბამისად დაარსებული და მოქმედი კომპანია);

კომპანიის წილის 20%-ის მფლობელი შპს „მირენ ინვესტ“ (ს/კ 1718011, ბრიტანეთის ვირჯინიის კუნძულების კანონმდებლობის შესაბამისად დაარსებული და მოქმედი კომპანია);

კომპანიის გენერალური დირექტორია ლაშა ტაბიძე (პ/ნ 60002012446).

სამეთვალყურეო საბჭოს წევრები არიან:

ნიკოლოზ ჭიაურელი (პ/ნ 01026001398)

მუჰთერემ კაან თერზიოდლუ (44808422314, U 12080811, თურქეთი)

ალექსი ბოლისი (YB4609706, იტალია)

შპს „ვიონი საქართველო“ და მისი წარმომადგენელი გენერალური დირექტორი ლაშა ტაბიძე ელექტრონული კომუნიკაციების სფეროში ავტორიზებულ პირებში წილებს არ ფლობენ, შესაბამისად „ელექტრონული კომუნიკაციების შესახებ“ საქართველოს კანონის მე-2 მუხლის 3³³ ქვეპუნქტის თანახმად ისინი საქართველოში სხვა ავტორიზებულ პირებთან ურთიერთდამოკიდებული (ავილირებული) არ არიან.


შპს „მირენ ინვესტის“ დამფუძნებელი და 100%-იანი წილის მფლობელია ფიზიკური პირი ხვიჩა მაქაცარია.

შპს „ვოთერთრაილ ინდასტრიზ“-ისა და შპს „ინვესტიკო ალიანსეს“ დამფუძნებელი არის ჰოლდინგური კომპანია „VEON Georgia Holdings B.V.“ (851962981, ნიდერლანდები) 100%-იანი წილით, „VEON Georgia Holdings B.V.“-ს დამფუძნებელი არის ჰოლდინგური კომპანია „VEON Holdings B.V.“ (820940434, ნიდერლანდები) 100%-იანი წილით, „VEON Holdings B.V.“-ს დამფუძნებელი არის ჰოლდინგური კომპანია „VEON Amsterdam B.V.“ (821942827, ნიდერლანდები) 100%-იანი წილით, „VEON Amsterdam B.V.“-ს დამფუძნებელი არის „VEON Ltd.“ (ვიონ ჯგუფი) (821815568, ბერმუდის კუნძულები, დიდი ბრიტანეთის ზღვისიქითა ტერიტორია) 100%-იანი წილით. „VEON Ltd.“ თავის მხრივ არის საჯარო კომპანია, რომლის აქციებიც საფონდო ბირჟაზე არის განთავსებული და რომლის აქციონერებიც არიან: „LIT Vip Holding S.a.r.l“ („LetterOne“) (B200215, ლუქსემბურგი) (ფლობს აქციების 47.9%), „Stichting Administratiekantoor Mobile Telecommunications Investor“ (65286936, ნიდერლანდები) (ფლობს აქციების 8.3%-ს), ხოლო აქციების 43.8% არის თავისუფალ მიმოქცევაში (Free Float). „LIT Vip Holding“-ის წილის 100%-ის მფლობელი არის „Letterone Core Investments“ (B181082, ლუქსემბურგი), რომლის წილის 100%-ის მფლობელი არის „Letterone Investment Holdings“ (B181082, ლუქსემბურგი).

აღნიშნული კომპანიები, მათ შორის შპს „მირენ ინვესტი“ და მისი დამფუძნებელი ხვიჩა მაქაცარია არ არიან საქართველოს ელექტრონული კომუნიკაციების სფეროში ავტორიზებული პირები და საქართველოს სხვა ავტორიზებულ პირებში წილებს არ

ფლობენ, შესაბამისად “ელექტრონული კომუნიკაციების შესახებ“ საქართველოს კანონის მე-2 მუხლის 3³³ ქვეპუნქტის თანახმად ისინი საქართველოში სხვა ავტორიზებულ პირებთან ურთიერთდამოკიდებული (ავილირებული) არ არიან.

სქემა N1



შპს „ვიონი საქართველო“ მიერ კომისიაში 2021 წლის 7 სექტემბერს დამატებით წარმოდგენილი N624/21 წერილის (კომისიაში რეგისტრაციის Nშ-21-6/4002 07.09.2021) თანახმად, კომპანია წარმოადგენს ინფორმაციას მის სამომავლო გეგმებსა და ბიზნეს სტრატეგიის შესახებ და აფიქსირებს, რომ შპს „ვიონი საქართველო“ განაგრძობს საქართველოს ელექტრონულ საკომუნიკაციო მომსახურების ბაზარზე განვითარებას და

მისი სამომავლო გეგმები ამ სექტორში უკავშირდება ახალი ტექნოლოგიების დანერგვას, ინოვაციური ციფრული პროდუქტების განვითარებასა და მომხმარებლისათვის მაღალხარისხიანი თანამედროვე მომსახურებების ხელმისაწვდომობას. შესაბამისად, ტრანზაქციის განხორციელებას კომპანიის სამომავლო გეგმებზე გავლენა არ აქვს და განაგრძობს ელექტრონული კომუნიკაციების სფეროში განვითარებას.

შპს „ვიონი საქართველო“ ახორციელებს მობილური ქსელით მომსახურებას საქართველოს მთელ ტერიტორიაზე, როგორც საცალო, ისე საბითუმო ბაზრის შესაბამის სეგმენტებზე. კომპანიის შემოსავლების დაახლოებით 95% შეადგენს რეგულირებას დაქვემდებარებული ბაზრის იმ შესაბამისი სეგმენტებიდან მიღებულ შემოსავლებს, სადაც შპს „ვიონი საქართველო“ განსაზღვრულია მნიშვნელოვანი საბაზრო ძალაუფლების მქონე ავტორიზებულ პირად შემდეგი გადაწყვეტილებების თანახმად:

1) 2010 წლის 21 მაისის N240/9 „მომრავი საკომუნიკაციო ქსელის ოპერატორის ძირითადი ქსელის საკომუტაციო ტერმინალურ ელემენტებთან დაშვებისა და ურთიერთჩართვის (სატელეფონო ზარების წამოწყების/დასრულების) საბითუმო ბაზრის შესაბამის სეგმენტებზე კონკურენციის კვლევისა და ანალიზის შედეგების შესახებ“ გადაწყვეტილების და მასში 2011 წლის 18 ნოემბრის გადაწყვეტილების საფუძველზე შეტანილი ცვლილებების თანახმად **მომრავი საკომუნიკაციო მომსახურების კონკრეტული ოპერატორის ძირითადი ქსელის საკომუტაციო ტერმინალურ ელემენტებთან დაშვებისა და ურთიერთჩართვის (სატელეფონო ზარების წამოწყება/ დასრულების) საბითუმო ბაზრის შესაბამის სეგმენტებზე** საქართველოს მთელ ტერიტორიაზე და დაეკისრა შემდეგი სპეციფიკური ვალდებულებები: ინფორმაციის გამჭვირვალობის უზრუნველყოფის ვალდებულება, დისკრიმინაციის აკრძალვის ვალდებულება, ქსელის შესაბამის ელემენტებთან დაშვების ვალდებულება, დანახარჯებისა და შემოსავლების განცალკევებულად აღრიცხვის ვალდებულება, სატარიფო რეგულირებისა და ხარჯთაღრიცხვის ვალდებულება.

2) 2019 წლის 31 დეკემბრის N9/156 „მობილური ქსელით მომსახურების საბითუმო ბაზრის შესაბამის სეგმენტზე კონკურენციის კვლევისა და ანალიზის შედეგების შესახებ“ გადაწყვეტილებით **მობილური ქსელით მომსახურების (ხმოვანი, ინტერნეტი, მოკლე ტექსტური შეტყობინებები „SMS“)** საბითუმო ბაზრის შესაბამის სეგმენტზე საქართველოს მთელ ტერიტორიაზე დაეკისრა მობილური ვირტუალური ქსელის ოპერატორის (MVNO) ქსელთან დაშვების უზრუნველყოფის ვალდებულება, შემდეგი სპეციფიკური პირობების გათვალისწინებით: ინფორმაციის გამჭვირვალობის უზრუნველყოფის ვალდებულება, ქსელის შესაბამის ელემენტებთან დაშვების ვალდებულება, დანახარჯებისა და შემოსავლების განცალკევებულად აღრიცხვის ვალდებულება, სატარიფო რეგულირებისა და ხარჯთაღრიცხვის ვალდებულება, დისკრიმინაციის აკრძალვის ვალდებულება.

3) **2020 წლის 25 ივნისის N9/559** „მობილური ქსელით საცალო მომსახურებების ბაზრის შესაბამის სეგმენტებზე (მობილური საცალო ხმოვანი მომსახურება, მობილური ინტერნეტი მომსახურება და მოკლე ტექსტური შეტყობინებები) კონკურენციის კვლევისა და ანალიზის შესახებ“ გადაწყვეტილების თანახმად **მობილური ქსელით მომსახურების (ხმოვანი და ინტერნეტი) საცალო ბაზრის** შესაბამის სეგმენტზე საქართველოს მთელ ტერიტორიაზე და დაეკისრა დანახარჯებისა და შემოსავლების განცალკევებულად აღრიცხვის სპეციფიკური ვალდებულება;

4) **2020 წლის 30 მარტის N9/385** „არასტანდარტული სახის (ე.წ. Bulk) მოკლე ტექსტური შეტყობინებების მომსახურების ბაზრის სეგმენტზე კონკურენციის კვლევისა და ანალიზის შესახებ“ გადაწყვეტილების თანახმად **მობილური ქსელით არასტანდარტული სახის (ე.წ. Bulk) მოკლე ტექსტური შეტყობინებების მომსახურების საბითუმო ბაზრის**

შესაბამის სეგმენტზე საქართველოს მთელ ტერიტორიაზე დაეკისრა დისკრიმინაციის აკრძალვის ვალდებულება.

5) **2017 წლის 16 მაისის N345/22 „საქართველოში საერთაშორისო ზარების ტერმინაციის დროებითი რეგულაციის დადგენის თაობაზე“ გადაწყვეტილების თანახმად საერთაშორისო ზარების ტერმინაციის დროებითი რეგულაციის ბაზარზე** დაუდგინდა ავტორიზებული პირის მიერ საკუთარ ქსელში და ავტორიზებული პირის მიერ სხვა ავტორიზებული პირის ქსელში საერთაშორისო ზარის დასრულების ტარიფები.

კომისიის საერთო სტატისტიკური ბაზის მონაცემების თანახმად შპს „ვიონი საქართველოს“ როგორც მობილური ქსელით მომსახურების საცალო და საბითუმო ბაზრის სეგმენტზე, ასევე არასაკომუნიკაციო მომსახურებიდან მიღებულმა შემოსავლებმა ჯამში (1) სრული 2020 წლისა და (2) 2021 წლის იანვრიდან ივლისის ჩათვლით პერიოდებისთვის შეადგინა (1) 105,512,813.00 ლარი დღგ-ს გარეშე და (2) 69,387,506.00 ლარი დღგ-ს გარეშე შესაბამისად, მათ შორის რეგულირებას დაქვემდებარებული იმ ბაზრებიდან, სადაც ცნობილია მნიშვნელოვანი ძალაუფლების მქონე ავტორიზებულ პირად (SMP) (1) 100,035,202.00 ლარი დღგ-ს გარეშე და (2) 66,884,457.00 ლარი დღგ-ს გარეშე.

ცხრილი N1

მომსახურების დასახელება	2020 იანვარი - დეკემბერი		2021 იანვარი - ივლისი	
	შემოსავალი (ლარი, დღგ-ს გარეშე)	წილი საერთო შემოსავლიდან	შემოსავალი (ლარი, დღგ-ს გარეშე)	წილი საერთო შემოსავლიდან
სატელეკომუნიკაციო მომსახურება (რეგულირებადი ბაზრები)	100,035,202.00	94.81%	66,884,457.00	96.39%
სატელეკომუნიკაციო მომსახურება (არარეგულირებადი ბაზრები)	4,787,137.00	4.54%	2,110,516.00	3.04%
სხვა არასაკომუნიკაციო მომსახურება	690,415.00	0.65%	392,533.00	0.57%
სულ	105,512,754.00	100.00%	69,387,506.00	100.00%

კომპანიის მობილური ქსელით საცალო მომსახურებიდან მიღებულმა შემოსავლებმა (1) 2020 წლისა და (2) 2021 წლის პირველი 7 თვის მანძილზე შეადგინა (1) 88,569,657.00 ლარი დღგ-ს გარეშე (ცხ. N2) (საქართველოში მობილური ქსელით მომსახურებიდან მიღებული შემოსავლების 18.08%) და (2) 56,696,676.00 ლარი დღგ-ს გარეშე (ცხ. N3) (საქართველოში მობილური ქსელით მომსახურებიდან მიღებული შემოსავლების 18.49%).

ცხრილი N2

პერიოდი	კომპანია	შემოსავალი (ლარი, დღგ-ს გარეშე)	ბაზრის წილი
2020 იანვარი - დეკემბერი	ვიონი საქართველო	88,569,657	18.08%
	მაგთიკომი	222,703,093	45.46%
	სილქნეტი	178,583,314	36.46%
		489,856,267	

ცხრილი N3

პერიოდი	კომპანია	შემოსავალი (ლარი, დღგ-ს გარეშე)	ბაზრის წილი
2021 იანვარი - ივლისი	ვიონი საქართველო	56,696,676	18.49%
	მაგთიკომი	141,598,000	46.17%
	სილქნეტი	108,413,918	35.35%
		306,708,752	

შპს „ვიონი საქართველოს“ მობილური ქსელის აბონენტების რაოდენობამ 2020 წლის IV კვარტლის ბოლოს შეადგინა 1,333,092 აბონენტი (ცხ. N4) (საქართველოს მობილური

ქსელის აბონენტების 26.14%), ხოლო 2021 წლის II კვარტლის ბოლოს 1,404,641 აბონენტი (ცხ. N5) (საქართველოს მობილური ქსელის აბონენტების 26.62%).

ცხრილი N4


პერიოდი	კომპანია	აბონენტების რაოდენობა	ბაზრის წილი
2020 4 კვ.	მაგთიკომი	2,071,509	40.62%
	ვიონი საქართველო	1,333,092	26.14%
	სილქნეტი	1,695,339	33.24%
		5,099,940	

ცხრილი N5

პერიოდი	კომპანია	აბონენტების რაოდენობა	ბაზრის წილი
2021 II კვ.	მაგთიკომი	2,161,464	40.96%
	ვიონი საქართველო	1,404,641	26.62%
	სილქნეტი	1,710,315	32.41%
		5,276,420	

შპს „ვიონის საქართველოს“ მიერ წარმოდგენილ განცხადებაში მითითებულ ოპერაციაში (ტრანზაქციაში) მონაწილე პირები, როგორც ზემოთ უკვე აღნიშნა, არ არიან ელექტრონული კომუნიკაციების სფეროში ავტორიზებული პირები, ასევე, ისინი არ არიან ურთიერთდამოკიდებულნი (აფილირებულნი) სხვა ავტორიზებულ პირებთან. ისინი არიან ერთი საწარმოს პარტნიორები და ტრანზაქცია წარმოადგენს კომპანიის ერთი პარტნიორისგან ამავე კომპანიის მეორე პარტნიორის მიერ წილის შეძენას. ასევე აღსანიშნავია, რომ წილის შეძენის მსურველი კომპანია უკვე არის აღნიშნული კომპანიის წილის მფლობელი, კერძოდ შპს „ვოთერთრაილ ინდასტრიზ“ უკვე ფლობს შპს „ვიონი საქართველოს“ წილის 51%-ს, ასევე, მართალია შპს „ინვესტიკო ალიანსი“, რომელიც ფლობს შპს „ვიონი საქართველოში“ წილს 29%-ის ოდენობით პირდაპირ არ მონაწილეობს აღნიშნულ ტრანზაქციაში, თუმცა ეს უკანასკნელი და შპს „ვოთერთრაილ ინდასტრიზ“ არიან ერთი საწარმოს „VEON Georgia Holding BV“-ს შვილობილი კომპანიები, აქედან გამომდინარე „VEON Georgia Holding BV“-ს წილი შპს „ვიონი საქართველოს“ საწარმოში წარმოდგენილია 80%-ის ოდენობით (სქემა N2).


სქემა N2



ყოველივე ზემოთ აღნიშნულიდან გამომდინარე, მითითებული ტრანზაქციის ფარგლებში შპს „ვოთერთრაილ ინდასტრიზი“ მის მფლობელობაში არსებული შპს „ვიონი საქართველოს“ წილს (51%-ს) ზრდის სხვა პარტნიორისგან გამოსყიდული წილის (20%-ის) საფუძველზე და აღნიშნული ტრანზაქციის განხორციელების შემთხვევაში გახდება შპს „ვიონი საქართველოს“ წილის 71%-ის მფლობელი. შესაბამისად „VEON Georgia Holding BV“-ს შვილობილი კომპანიები შპს „ვოთერთრაილ ინდასტრიზი“ და შპს „ინვესტიკო ალიანსი“ გახდებიან შპს „ვიონი საქართველოს“ წილის 100%-ის მფლობელები, რაც ნიშნავს

შპს „VEON Georgia Holding BV“-ს მიერ შპს „ვიონი საქართველოს“ 100%-იანი წილის ფლობას (სქემა N3).

სქემა N3



კომისიამ შეაფასა აღნიშნული წილის შეძენის ოპერაცია ბაზრის შესაბამის სეგმენტზე არსებულ კონკურენციაზე შესაძლო გავლენის მოხდენის კუთხითაც, გამომდინარე იქედან, რომ აღნიშნული ოპერაცია არ გულისხმობს შპს „ვიონი საქართველოს“ მფლობელებში სხვა ეკონომიკური აგენტის შემოსვლას (კომპანიის ერთი პარტნიორი შპს „მირენ ინვესტი“ ყიდის თავის წილს 20%-ს მეორე პარტნიორზე), და ამასთან, ის ეკონომიკური აგენტი, რომლის წილიც იზრდება ტრანზაქციის შედეგად, ტრანზაქციამდე უკვე ფლობდა კომპანიის მნიშვნელოვან წილს (შპს „ვოთერთრაილ ინდასტრიზ“ უკვე ფლობს შპს „ვიონი საქართველოს“ კომპანიის წილის 51%-ს) (იხ. სქემა 2-3), შესაბამისად „ელექტრონული კომუნიკაციების შესახებ“ საქართველოს კანონის 27-ე მუხლის მეორე პუნქტით გათვალისწინებული გარემოებები აღნიშნული ტრანზაქციით არ დგება და ის არ საჭიროებს ბაზრის შესაბამის სეგმენტზე არსებულ კონკურენციაზე შესაძლო გავლენის მოხდენის დადგენის მიზნით გამოკვლევის აუცილებლობას.

ყოველივე ზემოაღნიშნულიდან გამომდინარე, შპს „ვიონი საქართველოში“ შპს „მირენ ინვესტის“ კუთვნილი, კომპანიის წილის 20%-ის შპს „ვიონი საქართველოს“ 51%-იანი წილის მფლობელის შპს „ვოთერთრაილ ინდასტრიზის“ მიერ შეძენა ელექტრონულ საკომუნიკაციო ბაზარზე არსებულ კონკურენციაზე გავლენას არ მოახდენს, ვინაიდან აღნიშნული ცვლილებების განხორციელებამდე და განხორციელების შედეგად (იხ. სქემა N2-3) შპს „ვიონი საქართველოს“ საბაზრო წილი და სხვა ეკონომიკური მაჩვენებლები რჩება უცვლელი, შესაბამისად ბაზრის შესაბამის სეგმენტზე გავლენას არ იქონიებს და აღნიშნული ტრანზაქცია შეიძლება მიჩნეულ იქნეს თავსებადად ელექტრონული კომუნიკაციების ბაზარზე არსებულ კონკურენტულ გარემოსთან.

შესაბამისად, არ არსებობს შპს „ვიონი საქართველოსთვის“ წილის 20%-ის შპს „ვოთერთრაილ ინდასტრიზის“ მიერ შეძენაზე თანხმობის მიცემის დამაბრკოლებელი გარემოებები.

სატელეკომუნიკაციო ბაზარზე არსებული კონკურენტული გარემო დინამიურობით გამოირჩევა, ამიტომ მიზანშეწონილია კომისიის მიერ გაცემული შესაბამისი თანხმობა ავტორიზებული პირების შერწყმაზე, ძალაში დარჩეს მაქსიმუმ 6 (ექვსი) თვის განმავლობაში. ეს არის სავარაუდოდ ის გონივრული ვადა, რა დროშიც არსებითად შეიძლება შეიცვალოს ბაზრის კონიუნქტურა, ავტორიზებული პირების

ხვედრითი საბაზრო წილები და ა.შ. აღნიშნულ ვადაში ტრანზაქციის განუხორციელებლობის შემთხვევაში, სავალდებულო იქნება ხელახალი თანხმობის მიღება.

“ელექტრონული კომუნიკაციების შესახებ“ საქართველოს კანონის 25-ე, 26-ე და 27-ე მუხლების შესაბამისად, კომისიამ კენჭისყრის შედეგად, ერთხმად

გ ა დ ა წ ყ ვ ი ტ ა :

1. მიეცეს თანხმობა შპს „ვიონი საქართველოს“, შპს „მირენ ინვესტის“ კუთვნილი, კომპანიის წილის 20%-ის შპს „ვოთერთრაილ ინდასტრიზის“ მიერ შეძენაზე;
2. განემარტოს შპს „ვიონი საქართველოს“, რომ ამ გადაწყვეტილების შესაბამისად, წილის მფლობელის ცვლილების შემთხვევაში, შპს „ვიონი საქართველო“ ვალდებულია აღნიშნულის თაობაზე კომისიას აცნობოს შესაბამისი ცვლილების განხორციელებიდან 7 სამუშაო დღის ვადაში;
3. ამ გადაწყვეტილებით კომისიის მიერ გაცემული თანხმობა ძალაშია გადაწყვეტილების მიღებიდან 6 (ექვსი) თვის განმავლობაში. აღნიშნულ ვადაში ტრანზაქციის განუხორციელებლობის შემთხვევაში, შპს „ვიონი საქართველო“ ვალდებულია ხელახლა მიმართოს კომისიას თანხმობის მისაღებად.
4. დაევალოს კომისიის ადმინისტრაციას ამ გადაწყვეტილების დამოწმებული ასლის შპს „ვიონი საქართველოსათვის“ გაგზავნა (ო. ვოტ);
5. გადაწყვეტილება ძალაში შედის ამ გადაწყვეტილების დამოწმებული ასლის შპს „ვიონი საქართველოსათვის“ ჩაბარების დღიდან;
6. გადაწყვეტილება შეიძლება გასაჩივრდეს ქ. თბილისის საქალაქო სასამართლოს ადმინისტრაციულ საქმეთა კოლეგიაში (მისამართი, ქ. თბილისი, დავით აღმაშენებლის ხეივანი, №64), შპს „ვიონი საქართველოსათვის“ ამ გადაწყვეტილების დამოწმებული ასლის ჩაბარების დღიდან ერთი თვის ვადაში;
7. კონტროლი აღნიშნული გადაწყვეტილების შესრულებაზე დაევალოს კომისიის აპარატის სატელეკომუნიკაციო ბაზრის რეგულირების დეპარტამენტს (ე. სიჭინავა).

ვახტანგ აბაშიძე

თავმჯდომარე - მ.შ.

ეკატერინე იმედაძე

წევრი

ნათია კუკულაძე

წევრი

